



*PROGRAM  
PODIZANJA SPOMENIKA OD ZNAČAJA ZA GRAD SARAJEVO  
KOJIMA JE GRAD SARAJEVO INVESTITOR  
ZA 2019. GODINU  
(prijedlog)*

*Predlagač : Gradonačelnik  
Obrađivač : Gradska služba za urbano planiranje,  
investicije, stambene i komunalne poslove*

*Sarajevo, juli 2019. godine*



Na osnovi člana 26. stav (1), točka 2. Statuta Grada Sarajeva („Službene novine Kantona Sarajevo“ broj: 34/08), i člana 11. stav 3. Odluke o spomenicima od značaja za Grad Sarajevo („Službene novine Kantona Sarajevo“, 34/19) Gradsko vijeće Grada Sarajeva, na svojoj sjednici održanoj \_\_\_\_\_ donijelo je

(prijedlog)

**PROGRAM**  
**PODIZANJA SPOMENIKA OD ZNAČAJA ZA GRAD SARAJEVO**  
**KOJIMA JE GRAD SARAJEVO INVESTITOR**  
**ZA 2019. GODINU**

**I**

Programske aktivnosti u 2019. godini na podizanju spomenika od značaja za Grad Sarajevo kojima je Grad investitor, odnosno koje sufinancira su kako slijedi.

**1. Spomen obilježje “Odred Lasta”**

Grad Sarajevo u 2019. godini sufinancira podizanje spomen obilježja sa budžetskim sredstvima planiranim u iznosu u visini od 10.000,00KM za ovu namjenu, putem sporazuma „Udruženje veterana odreda policije za specijalne namjene Lasta“, dinamikom u skladu sa zahtjevima Udruženja.

Odlukom o podizanju spomen obilježja “Odred Lasta” (“Službene novine Kantona Sarajevo”, broj 30/18) Gradsko vijeće Grada Sarajeva je odlučilo o podizanju ovog spomen obilježja kao spomenika od značaja za Grad Sarajevo i utvrdilo lokaciju na parkovskoj površini na uglu ulice Patriotska liga i Bolnička, a prema prihvaćenom idejnom rješenju.

„Udruženje veterana odreda policije za specijalne namjene Lasta“ je podnosilac inicijative za podizanje ovog spomenika i financira podizanje spomenika.

**2. Spomen obilježje žrtvama na Kazanima**

Grad Sarajevo će u 2019. godini izraditi tendersku dokumentaciju i provesti javnu nabavku Idejnog rješenja spomeničkog kompleksa (spomenika i vanjskog uređenja sa pristupnom stazom) na lokalitetu Kazani, s ciljem dodjele nagrada za tri prvoizabrana rada u visini od 4.000,00KM. Planom javnih nabavki Grada Sarajeva za 2019. godinu, ova je aktivnost određena za II kvartal 2019. godine.

Po dobivanju odgovarajućeg idejnog rješenja, uslijedit će nabavka izvedbenog projekta spomeničkog kompleksa.

S ciljem provođenja inicijative Gradskog vijeća Grada Sarajeva za podizanje Spomen obilježja žrtvama na Kazanima, Federacija BiH je doznala Gradu Sarajevu iznos od 5.000,00KM.

Po osnovu ovih sredstava, Grad Sarajevo je izvršio nabavku detaljnog geodetskog snimka lokaliteta, a što predstavlja osnovu za izradu tenderske dokumentacije za nabavku idejnog rješenja spomen obilježja, čiji bitan dio predstavlja uređenje lokaliteta i organizacija odgovarajućeg pristupa.

### 3. Spomenik Dariju Džamonji, Kemalu Montenu i Esadu Arnautaliću

Grad Sarajevo će u 2019. godini izraditi tendersku dokumentaciju i provesti javnu nabavku Idejnog rješenja spomeničkog kompleksa (spomenika i vanjskog uređenja) na lokalitetu Spomen parka Mirzi Delibašiću i Davorinu Popoviću, tako da se lokalitet u cjelini reorganizira u spomen istaknutim javnim djelatnicima koji su obilježili jedno vrijeme u Gradu Sarajevu, a s ciljem dodjele nagrada za tri prvoizabrana rada u visini od 4.000,00KM, među kojima će se izabrati rješenje za izvođenje.

Ova aktivnost će se provesti u III kvartalu 2019. godine, kako bi se na vrijeme mogla planirati sredstva za podizanje spomenika u Budžetu Grada Sarajeva za 2020. godinu.

Po dobivanju odgovarajućeg idejnog rješenja, uslijedit će nabavka izvedbenog projekta spomeničkog kompleksa.

## II

Odlukom o spomenicima od značaja za Grad Sarajevo, posljednjim izmjenama i dopunama ove odluke, propisano je da se sredstva za podizanje spomenika od značaja za Grad Sarajevo kojima je Grad Sarajevo investitor, planiraju na osnovi godišnjeg Programa podizanja spomenika od značaja za Grad Sarajevo kojima je Grad Sarajevo investitor, a koji donosi Gradsko vijeće na prijedlog Gradonačelnika. Program se zasniva na inicijativama koje su dobile podršku Gradskog vijeća i za koje je Komisija za spomenike utvrdila da su inicijative za podizanje spomenika od značaja za Grad Sarajevo, te uputila Gradonačelniku na obradu s ciljem da Grad Sarajevo bude investitor podizanja spomenika.

Navedene izmjene i dopune predmetnog gradskog propisa stupile su na snagu krajem 2018. godine, te se osnovano pristupilo izradi Programa podizanja spomenika od značaja za Grad Sarajevo kojima je Grad Sarajevo investitor za 2019. godinu kako bi se, u skladu s propisom, formalizirale utvrđene programske aktivnosti Gradonačelnika u ovom području, a za koje su namjenski planirana sredstva u Budžetu Grada Sarajeva za 2019. godinu.

Programom rada Gradskog vijeća Grada Sarajeva za 2019. godinu je planirano donošenje Programa podizanja spomenika od značaja za Grad Sarajevo u 2019. godini i to u redovnom postupku, tako da se nacrt akta razmatra u aprilu mjesecu.

U Programu rada Gradonačelnika za 2019. godinu koji je Gradskom vijeću dostavljen kao informativni materijal, uz poziv za februaru, 24. sjednicu Gradskog vijeća, navedeno je kako slijedi:

„Budući da nije utvrđen prijedlog godišnjeg programa podizanja spomenika od značaja za Grad Sarajevo kojima je Grad Sarajevo investitor, u Budžetu Grada Sarajeva za 2019. godinu nisu planirana sredstva za ovu namjenu, izuzev sredstava za sufinansiranje izgradnje spomenika jedinici „Lasta“ gdje nosilac projekta nije Grad Sarajevo, te činjenice o postojanju namjenski prenesenih sredstva iz Budžeta Federacija BiH, za sufinansiranje podizanja spomenika žrtvama na Kazanu. Tako se ove godine planira pribavljanje idejnog rješenja spomenika na Kazanima. Dakle, ove dvije aktivnosti će činiti program podizanja spomenika u 2019. godini.”

U Budžetu Grada Sarajeva za 2019. godinu planirana su sredstva na stavci 614 100 - Tekući grantovi drugim nivoima - Izgradnja spomen obilježja šehidima i poginulim borcima Odreda jedinice za specijalne namjene „Lasta“ - sufinansiranje u visini od 10.000,00KM.

Sredstva za pribavljanje idejnog rješenja za podizanje spomenika na Kazanima su sadržana u sredstvima koje je doznačio Kabinet Predsjednika Federacije BiH ranije. Do sada je po osnovi ovih sredstava (u ukupnom iznosu od 5.000,00KM), izvršena nabavka usluge izrade geodetskog snimka terena, a što predstavlja osnovu za izradu tenderske dokumentacije za nabavku idejnog rješenja za podizanje spomen obilježja.

Predmet javne nabavke je odabir za nabavku Idejnog rješenja spomeničkog kompleksa (spomenika i vanjskog uređenja sa pristupnom stazom) na lokalitetu Kazani, s ciljem dodjele nagrada za tri

prvoizabrana rada. Ponuđači će predložiti formu – idejno rješenje spomen obilježja, mikro lokalitet za postavljanje spomen obilježja na lokaciji Kazani, prilaz i vanjsko uređenje lokacije koje će omogućiti dostojanstven pristup svima koji žele odati počast žrtvama samostalno ili u organiziranim grupama što uključuje uobičajene ceremonije odavanja počasti i polaganja cvijeća.

Drugi cilj je dodjela ugovora o javnoj nabavci izrade izvedbenog projekta na osnovu izabranog idejnog rješenja jednom od nagrađenih ponuđača. Iz odabranog idejnog rješenja će proizići jasan predmet nabavke usluge izrade izvedbenog projekta, a čije ugovaranje će biti predmet pregovaračkog postupka koji slijedi nakon provedenog Konkursa za izradu Idejnog rješenja spomeničkog kompleksa (spomenika i vanjskog uređenja sa pristupnom stazom) na lokalitetu Kazani.

Aktivnost podizanje spomenika Dariju Džamonji, Kemal Montenu i Esadu Arnautaliću, se uvrštava u Program po zaključku Gradskog vijeća. Budući da Budžetom Grada Sarajeva nisu planirana posebna sredstva za početak realizacije ovoga projekta, izrada idejnog rješenja spomenika koja se planira za tekuću godinu će se realizirati sa stavke planirane u Budžetu Grada Sarajeva za 2019. godinu za nepredviđene izdatke, odnosno nove namjenske stavke, ukoliko se, u međuvremenu budu razmatrale izmjene i dopune Budžeta Grada Sarajeva za 2019. godinu.

Predmet javne nabavke je odabir za nabavku Idejnog rješenja spomeničkog kompleksa tako da se lokalitet u cjelini reorganizira u spomen istaknutim javnim djelatnicima koji su obilježili jedno vrijeme u Gradu Sarajevu. Ponuđači će predložiti formu – idejno rješenje spomen obilježja, te prilaz i uređenje lokacije u cjelini tako da sastavni dio kompleksa bude i nova fontana.

Drugi cilj je dodjela ugovora o javnoj nabavci izrade izvedbenog projekta na osnovu izabranog idejnog rješenja jednom od nagrađenih ponuđača. Iz odabranog idejnog rješenja će proizići jasan predmet nabavke usluge izrade izvedbenog projekta, a čije ugovaranje će biti predmet pregovaračkog postupka koji slijedi nakon provedenog Konkursa za izradu Idejnog rješenja spomeničkog kompleksa.

*PREDSJEDAVAJUĆI GRADSKOG VIJEĆA*

*Dr. Igor Gavrić*

Broj: /19  
Sarajevo, 2019. godine